

Vischnaunca
Tujetsch

Lescha da taglia dalla vischnaunca da Tujetsch

**Approbada entras la suprastanza communal
ils 9 da november 2020 ed entras la Regenza ils 19 da schaner 2021**

Vigur: 1. da schaner 2021

TABLA DA CUNTEGN

I. Disposiziuns generalas

Art. 1 Object

Art. 2 Dretg subsidiar

II. Dretg material

1. Taglia sin las entradas e sin la facultad

Art. 3 Pei da taglia

2. Taglia sin midada da maun

Art. 4 Tariffa dalla taglia

3. Taglia sin schischom

Art. 5 Tariffa dalla taglia

4. Taglia sin l'ierta e taglia sin donaziuns

Art. 6 Tariffas dalla taglia

5. Taglia da tgauns

Art. 7 Object da taglia

Art. 8 Subject da taglia

Art. 9 Deliberaziun da taglia

Art. 10 Calculaziun dalla taglia

III. Dretg formal

1. Autoritads

Art. 11 Suprastonza communal

Art. 12 Uffeci communal da taglia

2. Incassament

Art. 13 Scadenza

Art. 14 Termin da pagament

Art. 15 Relasch ed amortisaziun administrativa da taglia

3. Indemnisaziun

Art. 16 Indemnisaziun per incassament

IV. Disposiziuns finalas

Art. 17 Entrada en vigur

I. Disposiziuns generalas

Art. 1

- Object*
- ¹ La vischnaunca da Tujetsch impona las suandontas taglias tenor las disposiziuns dil dretg cantunal:
- a) ina taglia sin las entradas e sin la facultad;
 - b) ina taglia sin gudogn entras la vendita da schischom;
 - c) ina taglia supplementara ed ina taglia penala sco era multas disciplinaras;
 - d) ina taglia sin midada da maun;
 - e) ina taglia sin schischom;
 - f) ina taglia sin l'ierta ed ina taglia sin donaziuns.
- ² La vischnaunca da Tujetsch impona la suandonta taglia tenor questa lescha:
- a) ina taglia da tgauns.
- ³ La vischnaunca da Tujetsch impona plinavon las suandontas taglias tenor la legislaziun speciala:
- a) ina taxa da hosps;
 - b) ina taxa da turissem.

Art. 2

- Dretg subsidiar*
- Aschilunsch che questa lescha cuntegn negina regulaziun, vegnan las disposiziuns dalla lescha davart las taglias communalas e davart las taglias da baselgia sco era dalla lescha cantunala da taglia applicadas conform al senn.

II. Dretg material

1. Taglia sin las entradas e sin la facultad

Art. 3

- Pei da taglia*
- ¹ La taglia sin las entradas e sin la facultad vegn imponida en ina procentuala dalla taglia cantunala semplia.
- ² Igl organ cumpetent fixescha sil pli tard il december il pei da taglia per igl onn fiscal suandont.

2. Taglia sin midada da maun

Art. 4

- Tariffa da taglia*
- La taglia sin midada da maun importa 2 %.

3. Taglia sin schischom

Art. 5

Tariffa da taglia ¹ La taglia sin schischom importa 1.5 entochen maximalmein 2 %.

² Igl organ cumpetent fixescha sil pli tard il december il pei da taglia per igl onn fiscal suandont.

4. Taglia sin l'ierta e taglia sin donaziuns

Art. 6

Tariffas da taglia La taglia sin l'ierta e la taglia sin donaziuns importa:

- a) per il tschep dils geniturs 3 %;
- b) per il tschep da tat e tatta 6 %;
- c) per las ulteriuras persunas beneficiadas 15 %.

5. Taglia da tgauns

Art. 7

Object da taglia Per mintga tgaun ch'ei pli vegls che treis meins e che vegn tenius sin territori communal eisi da pagar ina taglia.

Art. 8

Subject da taglia Obligaus da pagar taglia ei il possessur dil tgaun. Il possessur ei obligaus d'annunziar siu animal alla vischnaunca enteifer 30 dis.

Art. 9

Deliberaziun da taglia ¹ Deliberai da pagar la taglia ein possessurs da suandontas specias da tgauns:

- a) tgauns da polizia;
- b) tgauns da lavina;
- c) tgauns per tschocs e suords.

² En cass giustificai sa la suprastonza communal deliberar ulteriurs possessurs dalla taglia da tgauns.

Art. 10

Calculaziun dalla taglia ¹ La taglia importa per tgaun 150.00 francs per onn. La suprastonza communal ei cumpetenta d'adattar quellas tariffas alla carischia.

² Sch'il tgaun vegn buca tenius durant igl entir onn sil territori communal, vegn la taglia debitada pro rata, silmeins per 3 meins.

³ La taxaziun e facturaziun succeda annualmein.

III. Dretg formal

1. Autoritads

Art. 11

*Suprastonza
communala*

La suprastonza communal decide:
a) davart damondas da levgiament fiscal;
b) davart la participaziun a cunvegns da dretg vicendeivel dil cantun en caussas da taglia sin l'ierta e sin donaziuns.

Art. 12

*Uffeci communal
da taglia*

¹ L'execuziun da questa lescha ei caussa digl uffeci communal da taglia, aschilunsch che la vischnaunca ei competenta persuerter.

² Igl uffeci communal da taglia ei ultra da quei competents per l'execuziun dallas incumbensas che la lescha cantunala da taglia ha surdau allas vischnauncas.

³ La vischnaunca sa delegar a tierzas persunas sias incumbensas tenor las alineas 1 e 2.

2. Incassament

Art. 13

Scadenza

¹ Las taglias sin entradas e sin facultad scadan cun la remessa dils quens provisoris ni dalla disposiziun da taglia.

² La scadenza dalla taglia sin schischom sedrezza tenor las taglias directas, sch'ella vegn incassada ensemen cun quellas.

³ La scadenza dalla taglia sil gudogn entras la vendita da schischom sco era dalla taglia sin l'ierta e dalla taglia sin donaziuns sedrezza tenor il dretg cantunal.

⁴ Las ulteriuras taglias sco era las multas disciplinaras scadan cun la facturaziun.

⁵ Alla fin dall'obligaziun da pagar taglia en Svizra ni cun la declaraziun da concuors scada mintga taglia ni mintga multa immediatamein.

Art. 14

*Termin da
pagament*

¹ Cun resalva dad alinea 2 ein las taglias e las multas disciplinarias da pagar enteifer 90 dis dapi la scadenza.

² Il termin da pagament dalla taglia sin il gudogn entras la vendita da schischom sco era dalla taglia sin l'ierta e dalla taglia sin donaziuns sedrezza tenor il dretg cantunal.

³ La taglia sin schischom incassada separadamein ei da pagar enteifer 30 dis dapi sia scadenza.

⁴ Per las taglias sin las entradas e sin la facultad sco era per la taglia sin schischom incassada ensemen cun quellas sa la suprastonza

communala decider in pagament en ratas per igl onn che suonda gl'onn fiscal.

⁵ Alla fin dall'obligaziun da pagar taglia en Svizra ni a caschun dalla declaraziun da concuors ei mintga taglia ni mintga multa da pagar immediatamein.

Art. 15

*Relasch ed
amortisaziun
administrativa
da taglia*

Davart las damondas da relasch e davart amortisaziuns administrativas decidan:

- a) igl uffeci communal da taglia entochen agl import da 1'500.00 francs per onn e per cass;
- b) la suprastanza communal per ils imports che survargan la summa suramenziunada.

3. Indemnisaziun

Art. 16

*Indemnisaziun
per incassament*

La vischnaunca da Tujetsch vegn indemnisada dallas baselgias cantunalas e dallas pleivs cun 2 % dallas taglias incassadas.

IV. Disposiziuns finalas

Art. 17

Entrada en vigur

¹ La lescha ei vegnida acceptada ils 13 da zercladur 2008 dalla radunonza da vischnaunca. Ella entra en vigur igl emprem da schaner 2009 e remplazza la lescha da taglia communal dils 30 d'october 1971.

² Cun l'entrada en vigur da questa lescha ein tut las disposiziuns dalla vischnaunca che stattan en contradicziun cun ella abrogadas.

³ L'emprema revisiun da questa lescha ei vegnida approvada entras la suprastanza communal ils 9 da november 2020 ed entra en vigur igl emprem da schaner 2021 suenter l'approbaziun dalla Regenza.


Il president communal



Martin Cavegn



Il menader center communal




Simon Collenberg

Approbau dalla Regenza dil cantun Grischun tenor conclus dils 19.12.2024.....
(protocol nr. 6122).


En num dalla Regenza

Il president



Dr. Mario Cavigelli

Il cancelier



Daniel Spadin

